

玉茗堂摘評王弼州先生
豐去異編

韻具編目錄

卷七

幽期部

橋紅記上

卷八

幽期部

橋紅記下

玉茗堂摘評王弼洲先生豔異編卷七

幽期部

嬌紅記上

申純字厚卿祖汴人也隨父寓成都八歲通六經十歲能屬文天姿卓越傑出世表風情接物不減於斯故賢士大夫多推譽焉宣和間薦而不第歸鬱鬱不自勝家居月餘因適鄰郡母舅王通判信宿而至則門枕碧流目斷千里波濤洶湧風景粲然明滅遠出特起望外因賦摸魚兒詞一闕以寫其勝詞曰錦城

西一區華屋、天開多少佳趣、當門綠水朝千里、何況
碧山無數、堪愛處有瀟湘新簣、松檜森前路、深深院、
見簾幙低垂、絲簧迭奏、鎮日價歌舞、金閨彥、早歲
歸、占住小生平昔、依慕、今朝走馬行來近、試綺繡鞅
凝、駕君真真、且從守分、幽意誰爲主、詩朋酒侶、向此
地嬉遊、尋花問柳、須是有奇遇、生旣至、因入謁舅舅
見之、遂引生至中堂、姪山見生、進拜畢、就位、舅有一
子名善父、年七歲、一名含舅、因呼善父出拜、再命侍
女飛紅呼嬌娘出見、良久、飛紅附耳語、姪以嬌娘未

天
安
何
用
脂
粉

經粧爲言、姸因怒曰、三哥家人也、出見何害、生聞之、因曰、百一姐無他故、姑俟何如、姸因笑曰、適方出浴、未理粧、故欲少俟、三哥家人也、何事鉛粉耶、又令他侍女促之、頃刻、嬌自左掖出、拜、雙鬟、綰綠色、奪圖書、中人朱粉、未施、而天然殊瑩、生起見之、不覺自失、敘禮、竟嬌因立姸右、生孰視、愈覺絕色、目搖心蕩、不自禁制、姸笑曰、三哥遠來勞苦、宜就舍少息、因室之於堂之東、去堂二十餘步、生歸館後、功名之心頓釋、日夕惟慕嬌娘而已、恨不能吐盡心素、與款語、故常意

婦焉舅始皆以生久不相見款留備至生亦自幸其
相留冀得乘閒致款曲於嬌娘也平嘗出入舅家周
旋堂廡雖終日得與嬌遊從未嘗敢妄一邪言相及
生因察其動靜見嬌言笑舉止嘗有疑猜不足之狀
生知其賦情特甚也求所以導情達意之便而未能
得一夕嬌晚綉紅窗下倚床視茶蘼花久不移目生
輕步踵其後嬌不知也因浩然長歎生知其有所思
因低聲問曰爾何於此佇視長歎也將有思乎將有
約乎嬌不答良久乃曰兄何自來此日晚矣春寒逼

人兄覺之乎。生知嬌以他辭相拒。因應曰：春寒固也。嬌正視逡巡引去。生獨歸室。無聊。乃書點絳唇一詞于寓室之東。以寓意焉。詞曰：庭院深沉。遲遲日上。荼蘼架。芳叢相亞。粧點春無價。玉體香肌。好手應難畫。還驚訝。春心蕩也。誰共遊蜂話。自後日。聚飲宴。或同歌笑。申生言稍涉邪。嬌則凝袂正色。若將不可犯。生雖慕其美麗。然見其不相領畧。以謂嬌年幼情簡。不諳世事。因不介意。一日舅有他甥至。舅始亦留之。至晚舅開宴。申生預坐。酒至半。始起酌酒勸他甥舅。

將酣、嬌時陪立、矦後贊之、令溢觴、酒至、生力辭、矦曰、子素能飲、獨不能爲我開懷乎、生辭以矢志功名、且病久已醉甚、不能復加、矦未答、嬌因叅言其後曰、三兄動容、似不任酒力矣、姑止此、矦因輟瓶授觴、生再拜而飲、因喜不自勝、旣畢、矦退步酌酒勸舅申生之前、燭燼長而暗、嬌因促步至燭前、以手彈燭、因流視、語生曰、非妾則兄醉甚矣、生謝曰、此恩當銘肺腑、嬌微笑曰、此乃恩乎、生曰、意重於此矣、語未畢、矦因索水滌觴、嬌乃引去、自此生復留意、一夕嬌獨坐於堂

側惜花軒內。生偶至座側。見嬌凭闌。無語徒倚。沉吟
時。花檻中有牡丹數本。欲開未開。生因爲二絕以戲
之。曰。亂惹祥烟倚粉牆。絳羅輕捲映朝陽。芳心一點
千重束。肯念凭闌人斷腸。嬌姿質豔不勝春。何意無
言恨轉深。惆悵東君不相顧。空餘一片惜花心。生援
筆寫此二詩。以示嬌。嬌巡簷展誦。傾環低面。欲言不
言。正疑思間。忽聽流鶯睨睨。如道人意。中事。生又揮
毫作喜遷鶯詞一章。曰。園林過雨。問滿目媚景。是誰
爲主。翠柳舒眉。黃鸝調舌。鎮日姿狂歌舞。金衣公子。

何事牽惹萬千愁緒。芳草地、有香車寶馬、駢闐來許。
無據行樂處。好景良辰、休把輕辜負。一種春風、幾
多圖畫、聽取綿蠻簧語。又向暗巢偷眼、欲啄花心、無
路知。牆外待放伊飛過、有人低訴。嬌覽之未畢、忽聞
吟語聲。嬌乃攜此詞并前二詩藏之袖間、徐步趨歸
堂中坐。悵悵久之歸室、殆無以爲懷、因作一絕題於
堂西之綠窗上。詩曰、日影綈堦睡正醒、篆烟如縷午
風平。玉簫吹盡霓裳調、誰識鸞聲與鳳聲。後二日、舅
他出。嬌因至生臥室、見東窗有點絳唇詞一首、西窗

有詩一絕躊躇玩味不忍舍去知生之屬意有在乃
濡筆和其西窗之韵以寄意焉詩曰春愁壓夢苦難
醒日迴風高漏正平。魂斷不堪初起處落花枝上曉
鶯聲生歸見嬌所和詩愿得之心踰于平常朝夕惟
求間便以感動嬌然嬌或對或否或相親昵或相違
背生不測其意莫得而圖之一日舅姁開宴自午至
暮酒散舅姁起睡舍生獨危坐堂中欲卽外舍俄而
嬌至筵所抽左髻鈿釵勻博山理餘香生卧曰夜分
人寢矣安用此嬌曰香貴常存安可以夜深棄之生

又繼之以筆灰存心足矣嬌不吝乃行近堂階開簾
仰視月色如畫因呼侍女小惠書片以記夜漏之深
淺乃顧生曰月以至此夜幾許生亦起下階瞻望星
漢曰織女將針夜深矣因曰月中白風清如此良夜何
嬌曰東坡鍾情何厚也生日奇美特異者情存甚於
此焉可以此語東坡也嬌曰兄出此言應被此苦衆
矣於我何獨無之生日然則實有也不然則佳句所
謂壓夢者果何物而苦難醒乎言情頗狎嬌因促步
下階逼生日凡謂織女銀河何在也生日見嬌之驟近

恍然自失、未及卽對、俄聞戶內姍問嬌寢未、嬌乃遁去、次日生追憶昨夕之事、自疑有獲、然每思遇事多參商、愈不自足、乃作減字木蘭花詞以記之、曰、春宵陪宴、歌罷酒闌、人正倦、危坐中堂、倏見仙娥出洞房、博山香燼、素手重添銀漏永、織女斜河、月白風清、良夜何次、次日晨起、生入揖姍、旣出、遇嬌於堂西小閣中、嬌時對鏡、画眉未終、生近前謂之曰、蘭煤燈燼、那燭花也、嬌曰、燈花耳、妾用意積之、近方得之、生曰、若是、則愿以一半、丐我書家信、嬌遂首肯、令生分其半、

生舉手分煤油污其指因請嬌曰子宜分以遺我何
重勞客耶嬌曰既許君矣寧惜此遂以指決煤之半
以贈生因牽生衣拭指污處曰緣兄得此可作無事
人耶生笑曰敢不留以爲贄嬌因變色曰妾無他意
君何戲我生見嬌色變恐矜知之因趨出珍藏所分
之煤于枕中因作西江月詞以記之曰試問蘭煤燈
燼佳人積久方成殷勤一半付多情油污不堪自整
妾手分來的的郎衣拭處輕輕爲言留我表深誠
此約又還未定自後生心搖蕩特甚不能頃刻少置

伏枕對燭，夜腸九回，思欲履危道以實嬌心而未獲。一日暮春小寒，嬌方擁爐獨坐，生自外折梨花一枝入來，嬌不起。顧生生乃擲花于地，嬌驚視徐起，以手拾花，詢生曰：「兄何弃擲此花也？」生曰：「花泪盈暈，知其意何在，故弃之。」嬌曰：「東皇故自有主，夜屏一枝以供玩好足矣。」兄何索之深也？」生曰：「已荷重諾，無悔。」嬌笑曰：「將何諾？」生曰：「試思之。」嬌不荅，因謂生曰：「風差勁，可坐此共火。」生欣然，卽席與嬌偶坐，相去僅尺餘。嬌因撫生背曰：「兄衣厚否？恐寒威相凌逼也。」生恍然曰：「能

念我寒而不念我、斷腸耶、嬌笑曰、何事斷腸、妾當爲
兄謀之、生曰、無戲言、我自遇子之後、魂飛鬼揚、不能
自覺、夜更苦長、竟夕不寐、汝方以爲戲、足見子之心
也、予每見子言語態度、非無情者、及予言深情味、則
予變色以拒我、豈可不解世事而爲是、沾、嬌、哉、諒、屏、
繆之跡、不足以當雅意、深藏自閉、將有售也、今日一
言之後、今將西騎矣、子無苦戲我、嬌因慨然良久曰、
君疑妾矣、妾敢無言、妾知兄心舊矣、豈敢固自鄭重
以要君也、第恐不能終始、其如後患、何、妾亦數月來

諸事不復措意。寢夢不安。飲食俱廢。君所不得知也。因長吁曰。君疑甚矣。異日之事。君任之。果不濟。當以死謝君。生曰。子果有志。則以策我。嬌未及荅。俄然舅自外至。生因起出迎。舅嬌乃反室。不可再語。生乃賦石州引詞以記其事云。懊恨東君。催趙去程。春意牢落。梨花粉淚溶溶。知是爲誰輕別。衝寒向晚。特地折取歸來。佳人無語從地擲。瞥見却驚猜。恐使芳塵歇。收拾道明窗淨几。瓶裏一枝。便添風月。因念多事。值此苦寒時節。近新消滅。料有萬斛春愁。芭蕉未展。

丁香結。甚日把山盟。向枕前說。又越兩月生。凌晨起。攬衣向堂西。綠窗內而立。背面視井簷。不知此時嬌亦起。在隔窗內。理粧矣。生誦東坡詩曰。爲報隣鷄莫驚覺。更容殘夢到江南。嬌聞之。自窗內呼生曰。君有鄉間之念乎。生因窺窗語。嬌曰。衷腸斷盡。無可導意。只得歸矣。嬌曰。君果誕妾邪。旣無意於妾。何前委舉之深也。生因笑曰。予豈無意。第被子苦久矣。然則若何謀之。嬌曰。今日間人衆。無可容計。東軒抵妾寢室。軒西便門達熙春堂。堂透茶蘼架。君寢室外有小窗。

今日若晴霽、君自寢所踰外窗、度茶蘼架至熙春堂下、此地人罕花密、當與君會也。生聞之、欣然自得。惟俟日暮得諧所愿、至晚不覺暴雨大作、花陰浸潤、不復可期。生悵恨不已、因作玉樓春詞、援筆書之以寫怏怏之懷。詞曰：曉窗寂寂驚相遇、欲把芳心深意訴。低眉歛翠不勝春、嬌轉櫻唇紅半吐。匆匆已約歡娛處、可恨無情連夜雨。枕孤衾冷不成眠、挑盡殘燈天未曙。生晨起會嬌於姸所、因共至中堂、以夜所綴詞示之。嬌低聲笑曰：好事多磨、理固然也。然妾既許

君矣。當別圖之。是日生侍舅從隣家飲。至暮醉歸。且思嬌早間別圖之言。疑嬌之不復至也。又沉醉睡熟。嬌潛步至窗外。低聲呼生者數次。生不之覺。嬌悵悵而回。又疑生之誕已也。直欲要以盟誓。生剪縷髮書盟言于片紙。付嬌。嬌亦剪髮設盟。以復于生。雖是極意慕戀。然終于無便可乘。一日生收家書。以從父晉納粟補閬州武職。以生便弓馬。取生歸侍行。嬌顧戀之極。作詩送行。詩曰。綠葉陰濃花正稀。聲聲杜宇勸春歸。相如千里悠悠去。不道文君淚濕衣。生得詩和。

音白是太
在後身

韵以復嬌詩曰密幄重幃舞蝶稀相如只恐燕先歸
文君爲我堅心守且莫輕拚金縷衣生終以嬌綠葉
陰濃之語爲疑又成一詞寓小梁州以示嬌詞云惜
花長恨替花愁每日到西樓如今何況拋離去也關
山千里目斷三秋謾回頭殷勤分付東園柳好爲
管長條只恐重來綠成陰也青梅如豈辜負梁州恨
悠悠嬌知生之疑已亦以卜算子詞復之詞云君去
有歸期千里須回首休道三年綠葉陰五載花依舊
莫怨好音遲兩下堅心守三隻散兒十九窩沒個須

教有嬌情不自已、復繼以詩云、臨別殷勤詩語長云
云去後早還鄉、小樓記取梅花約、目斷江山幾夕陽
自後生從父以它故不果行、生居家行往坐臥飲食
起居無非爲嬌興念、以致沉思成病、因托求醫至舅
家數日、無便可乘與嬌一語、至于飲食俱廢、舅始爲
之皇皇、醫卜踵至、但云生功名失意、勞思所致、終不
能知生之心、數日病小愈、一日舅出報謁、生因強步
至外廡方佇立、俄而嬌至、生後生駭然、嬌曰、偶左右
皆它往、妾得便故來問兄之病、生回顧無人、因前牽

熱

嬌衣欲與語。嬌曰：此廣庭也。十月所視宜卽兄室。生
與之俱及門。忽雙燕爭泥墜前。嬌因舍生趨視。俄舅
之侍女湘娥突至。嬌前。嬌大駭。生乃引去。至暮復會
中堂。嬌謂生曰：非燕墜則湘娥見妾在君室矣。豈非
天平生然其言而悵快之心見於顏色。乃作續芳詞
一闕以自釋。詞云：日如年。風輕扇。文園多病尋芳倦。
春衫窄。庭院閒。獨步迴廊。體嬌無羨。如花面。親曾
見。千方百計尋方便。藍橋隔暮雲。碧燕兒墜也。又無
消遣。一日晚。嬌尋便至生室。謂生曰：向日熙春堂之

約妾嘗思之夜深院靜非安寢之地自前日之路觀之足以達妾寢所每夕侍妾寢者二人今夕當以計遣去小慧不足畏也君至夜分時來妾開窗以待生曰固善也不亦重乎嬌變色曰事至若此君何畏人生如白駒過隙後有鍾情如吾二人者乎事敗當以死繼之生曰若然余何恨乎是夜將半生乃踰外窗進堂後數百步至茶廡架側久求門不得生頗恐久之尋路得至熙春堂堂廣夜深寂無人聲生大恐因疾趨入見嬌方開窗倚几而坐衣紅綃衣下白絲裳

舉首望月若重有憂者不知生之已至也生因決窗而入嬌忽見生且驚且喜曰君何不告駭我甚矣生乃與嬌並坐窗下時正夜分月色如晝生視嬌體態艷媚肌瑩無瑕飄飄然不啻姮娥之下臨人間也嬌謂生曰夜漏過半幸會難逢可就枕矣欣然與生相攜素手共入羅帳之中解衣並枕問嬌曰妾年無姝不諳世事枕席之上望兄見憐生曰不待多言兩情既合嬌乃嬌啼嫩語體若不勝雨態雲蹤交頸之鶯鶯和鳴之鸞鳳無以踰者一晌歡娛而嬌娘千金之

身自茲失矣歡會之際不覺血漬生衣袖嬌乃剪其
袖而收之曰留此爲它日之驗生笑而從之自頃雞
聲催曉虬漏將闌嬌令生歸室因視生曰此後日間
相遇幸無以前言爲戲懼他人之耳目長也因口占
菩薩蠻詞以贈生夜深偷展窗紗綠小桃枝上留鶯
宿花嫩不禁抽春風卒未休千金身已破脉脉愁無
那特地祝檀郎人前口謹防生亦口占荅之綠窗深
岫傾城色燈花送喜秋波溢一笑入羅幃春心不自
持雨雲情散亂弱體羞還顫從此問雲英何須上玉

京嬌得生所和之詞謝曰妾女子也情牽事惑殊乖
禮法幸垂明鑒稍爲秘之妾之托君亦無憾矣生辭
愧喜交集自後生夜必潛至嬌室凡月餘無有知者
豈期欲火所迷俱無避忌舅之侍女曰飛紅曰湘娥
皆有所覺所不知者嬌之父母而已嬌亦厚禮紅等
欲使緘口第飛紅輩雖覺之而未之敢發俄而生以
父書促歸旣歸則寢食俱廢思欲娶嬌爲婦乃作書
達嬌曰前日佳遇倏爾旬餘竟飛杳杳每形清夜松
竹深盟常存記憶兼葭之迹得自托於蘭蕙之旁爲

原
賦

幸大矣。幽會未終，白雲在念。自抵侍下，無一息不夢想洛浦之風烟也。家事經史，非惟不復措念，縱一勉強，不知所以爲懷。有親朋見憐，於大人前致一語，天啟其衷，俾續秦晉再世之盟。未審舅姑雅意若何，倘不弃庸陋，則張生之於鶯鶯，烏足道哉。茲因媒氏有行，喜不自制。臨此以布腹心，幸相與謀之。訴風以俟佳音。家居無聊，偶思佳麗，夜別之言，綴永遇樂一詞，併用錄呈，亦以見此情之拳拳耳。新霜在候，善加保衛。生寫書畢，併錄前所作永遇樂詞，緘封私付女媒。

允之由、遂以嬌書與生、生展視之、乃新詞滿庭芳一闕、嬌所製也、簾影飾金、簾紋浮水、綠陰庭院清幽、夜長人靜、消得許多愁、長記當時月色、小窗外、情話綢繆、因緣淺、行雲去後、杳不見蹤由、殷勤紅一葉、傳來密意、佳好新求、奈百端間阻、恩愛成休、應是奴家薄命、難陪伴、俊雅風流、須相念、重尋舊約、休忘杜家秋詞後、又有詩二絕、詩云、雲重月難見、風狂雨不成、尺書後寄意、傾淚若爲情、目斷芳千里、情分役寸心、藉君憐舊日、莫絕羽鱗音、生覽誦數遍、殊不勝情、每對

花玩月、不覺淚下。初生與成都府角妓丁憐憐者、極
相厚善。憐敏惠殊俊、常得帥府顧盼。生方妙年秀麗、
憐憐尤見傾慕。生自秋還鄉里、憐憐屢遣人招生。生
托故不往。至是生之友人陳仲游亦豪家子也、見生
每置恨於臨風對月之間、因拉生至成都舒懷、遂同
至憐憐之家。生旣入、憐不勝欣喜、盃酒話欵曲。生但
面壁畧不致意。憐怪之、委曲詢生。終不言。憐意其碍
於仲游也、乃留之竟夕。令其女弟伴姐侍仲游寢、而
自薦于生。生不得已、因與同席。枕邊切切詰生所以。

不見荅之故。生乃具道與嬌娘相通之情。憐問曰：嬌娘誰家女也？生曰：新任眉州王通判之女也。憐又問其質若何。生曰：美麗清絕，西施妃子殆相千百，而風韻過之。憐因沉思良久，曰：旣名嬌娘，又且美麗若此，豈非小字瑩卿者乎？生惻然曰：爾何由知之？憐曰：向者帥府幼子將求婚，酷好美麗，不以門第高下爲念，但欲殊色，常捐數千緡，命畫工於近地十郡求問，伺隙繪人家美女以獻。凡得九人，此其一也。色瑩肌白，眼長而媚，愛作合蟬鬢，時有憂怨不足之狀，常至帥

府內室見之。因記其姓字。果然是否。生曰。子如親見其人。卽是此女。憐曰。宜子之視我。若上壤子之所遇。眞天上人也。妾常入視。佇目不能去。第恨不見其身。今後至彼。愿求舊鞋。丐我生諾之。明日遂與陳仲游同歸抵家。後生因追念憐。憐天上人之語。慨然賦詩一絕。詩曰。有入仙源路已深。桃花與我自知心。紛紛浪蕊迷蜂蝶。得似高山遇賞音。生因悵悵再期。杳杳傷感成疾。困臥累日。父母驚異。因令人詢問。生得病之由。生乃托以夢寐絕怪。將不能免。必須求善能驅

役鬼神者作法禳之、父乃命良巫求祝生密使人厚
賂巫者、令向父母言此爲鬼物所凭、必當遠避方可
向安、如其不然、生死未判、父母聞巫言大驚、思以爲
誠然、於是議令生往舅家以避、此難擇日起行、先期
之二日、令人取履舅家、舅姑許之、嬌時在父母室、聞
生有來期、喜慰特甚、人回報生亦欣快、隨覺病差、愈
父母以爲得計、及期生戒行、病亦向安、于時鶯、轉簾、
聲、百花競發、園林錦綉奪目、爭妍、生至舅居、及門遇
嬌於秀溪亭、兩情四目、不能自止、暫扣寒暄畢、生欲

入謁舅嬌止之曰今日隣家王寺丞宅邀往天寧玩
賞牡丹至暮方歸姑至此少息徐徐而入可也乃與
嬌並坐亭上嬌因謂生曰君養攝不如平時何故今
復來此何幹也生疑其言乃曰日月未久何故忘于
自相離之後坐不安席味不適口寢不着枕行不重
足何止夜月屈梁之思中間請命嚴君冀諧媒妁而
天不從人竟辜宿望春花秋月風臺雪榭無一而非
牽情惹恨之處百計重來以踐舊約今子乃有復來
何幹之辭予失計甚矣嬌愧謝曰君心果金石不勝

嘉慶
乙亥
秋
月

妾何以謝君因相與歡移時同步入室生至其舊館
窗几依然向時所書詩曲左顧右盼濡染如新生恨
然自失復作鵲天詞以記之云甥館聯違已隔年
重來窗几尚依然仙房長擁雲烟瑞浮世空驚日月
遷濃淡筆短長篇舊吟新誦萬愁牽春風與我溷相
識時遣流鶯奏管絃至晚舅姪歸生拜謁甚恭舅問
生曰聞三哥有微恙想二豎子遁矣生謝曰惟舅舅
憐其微恙庶得逃免再造之賜沒齒不忘舅姪勞勉
之生就室自後與婿情意周洽逾于平昔任數月情

意益厚生因憶丁憐憐之言求舊鞋于嬌嬌力詢生曰安用敝屐爲哉生不以實告嬌不許舅之侍女飛紅者顏色雖美而遠出嬌下惟雙彎與嬌無大小之別常互鞋而行其寫滌詩詞與嬌相埒嬌不在側亦佳麗也以姸性妬未常獲寵於舅常時出入左右生間與之語嬌則清麗瘦怯持重少言佇視定輒移日每相遇生不問嬌則不荅戲狎一笑則使人魂魄俱飛揚紅尤喜譁浪善應對快談論生雖不與語亦必求事以與生言嬌每見之則有不足之意及生再至

紅亦與之親狎。嬌疑焉。生久求嬌鞋不獲。一日嬌晝寢。生偶至其側。因竊鞋趨出。方及寢室。以他事去。未曾收拾。飛紅適尾生後。見生遺鞋。紅乃疑嬌所與者。因收之。生罔知所以。及歸室。索鞋無有也。因怏怏於懷。遂作青玉案詞。以自記。詞云。尖尖曲曲。緊把紅綃蹙。朵朵金蓮奪目。襯出雙鉤紅玉。華堂春睡深沉。拈來綰動春心。早被六丁收拾。蘆花明月難尋。及暮嬌問生。索鞋。生曰。此誠我盜去。然隨已失之。諒子得之矣。何苦索我耶。嬌乃止。蓋飛紅拾歸以付嬌也。然嬌

以此愈疑生私通於紅矣。一日見飛紅與生戲於窗外，捉胡蝶，因大怒詬紅。紅頗憾之，欲以拾鞋事聞於未有間也。後遇望日，衆出賀舅姑。嬌在焉，飛紅因語嬌所履之鞋，揚言謂生曰：「此卽子前日所遺之鞋也。」嬌變色，亟以宅事語舅姑。會舅姑應接他語，不聞嬌因大疑生使紅發其私，乃大怨望。自後非中堂相遇，不復求便以見生。女工諸事，畧不措意。怨隙之心，行住坐臥皆是也。生亦無以自明。一日，生不意中謾於後園，縱步適於花下，見鸞牋一幅，生取而視之，乃青

玉案詞也。花低鶯踏紅英亂。春心重頓成愁懶。楊花
夢散楚雲平。空惹起情無限。傷心漸覺成牽絆。奈愁
緒寸心難管。深誠無計寄天涯。幾欲問梁間燕。生披
味良久。意謂嬌詞而疑其字畫頗不類嬌所書。因攜
歸置于室中書案之上。欲詢嬌而未果。抵暮西窗前
有金籠養能言鸚鵡一隻。甚馴。嬌過其側。戲以紅豆
擲之。鸚鵡忽言曰。嬌娘子何打我也。生聞之。亟出室
招嬌。嬌不至。生再挽之。方來。嬌入生室。正疑思不言。
忽見案上花箋。因取視之。良久。目申生不語。移時。生

曰子何時所作也嬌不答生又曰何故不言嬌亦不
應生力究之嬌曰此飛紅詞也若自彼得之何必詐
妾生力辨嬌並無一言徘徊良久長吁竟拂衣起去
生留之不可自爾相會愈疎嬌終日熟寢間一二日
纔與生一見見亦不交一言凡月餘生不能直其事
生一夕逕造嬌室左右杳然惟見窗上有絕句一章
云灰篆香難炷風花影易移徘徊亡限意空作斷腸
詩生察詩知嬌之爲已且疑心之深也乘間語嬌曰
再會以來荷子厚愛視前時有加焉邇日形似之間

不能不爲子所棄、何今昔異志乎、嬌初不言、生再詰之、嬌潸然涕曰、妾自遇君之後、常恐力日不足、今者君弃妾耳、妾何敢弃君、抑君意旣自有主、何必妾望矣、生曰、苟有二心、有如此日、因指天自誓、以明無他事、且曰、子何疑之甚也、嬌曰、君偶遺鞋、飛紅得之、飛紅偶遺詞、君且得之、天下偶然之事、何多之甚邪、妾不敢怨君、幸愛新人、無以妾爲念也、生仰天太息曰、有是哉、吾怪邇日見子若有憂者、人之情態、豈難識哉、子若不信前誓、當剪髮大誓於神明之前、嬌乃回

笑曰、君果然否、生曰、何害、嬌曰、若然、後園東池正望
明靈大王之祠、此神聰明正直、叩之無不響應、若能
同妾企祠大誓、則甚幸也、生曰、如命、想明靈大王亦
知予心之無他也、嬌乃約以次早與生俱遊後園、臨
東池畔、遙望大王之祠、兩人異口同聲、拜手設誓、其
辭累千百、不能備載、誓畢、攜手而歸、思情有加焉、嬌
乃作一詞、與生寓再團圓云、芳心一點柔腸萬轉、有
意偷憐、孜孜守着、甚口來結得惡因緣、語言是心聲、
明神在上、說破從前天、還知道不違人願、再與團圓、

生得詞亦口占一詞、寓白牡丹、備述心事以謝之、詞云、一片芳心、被春拘管、重尋雲翼、盟約說與從前、不是我情薄、都緣燕逐晴絲、蜂拈花蕊、便成執着、寒愛堪憐處、幾多寂寞、此心只有天知、終不成輕狂、做作縱滿眼閒花媚柳也、則無情摸索、後園同步、遙告神明、地久天長、更誰托、縱合再與團圓、莫把是非斷、却自後嬌與生情好、深篤飲食起居、無不留意、生自此亦不復與飛紅一語、紅察之、因大憾、一日生因縱步至後園牡丹叢畔、忽遇嬌先已在彼、遽擁抱之、必欲

求合嬌却之言曰醜陋之質固不敢辭於君但慮雲雨初交歡會方密妾於情狀俱昏迷矣能保人之不至若有所覺妾無容身之地矣生聞其言興已稍闌遂與嬌携手而過別圃不覺飛紅亦自後潛至見嬌與生竝行因促步返舍語嬌曰天氣晴暄可入後園牡丹盛開能一觀否其實欲嬌一行襲敗嬌之踪跡也嬌可其請遂命紅侍行至園中瞥見生與嬌竝行於此畔亭左右俱無人嬌因大疑因呵嬌生乃俱俱反室惆悵不已知爲飛紅所賣故致爲嬌所覺無以

心譜
詞話
作賦

自釋強作一詞漁家傲寫其悵快云情若連環終不
解無端招引傷人怪好事多磨成又敗應難睚相看
冷眼誰倣採鎮日愁眉歛黛闌干倚遍無聊賴但願
五湖明月在且寧耐終須還了鴛鴦債越二日生自
知其跡不寧乃告歸舅姑亦不留之嬌夜出潛與生
別曰天乎得非命歟相會未期而有是事妾獨奈何
哉兄歸善自消遣求便再來無以疑間遂成永弃使
它人得計也因泣下沾襟生亦掩泣而別嬌又作一
剪梅詞授之且曰兄歸時展視之卽如妾之側矣言

終而去詞云豆蔻梢頭春意闌風滿山前雨滿山前
杜鵑啼血五更殘花不禁寒人不禁寒離合悲歡事
幾般離有悲歡合有悲歡別時容易見時難怕唱陽
關莫唱陽關

土茗堂摘評王弁洲先生豔異編卷八

幽期部

嬌紅記下

申生與嬌別歸。父母以生久在外，妨廢書史，間歲功名之會，又復在眼，遂令生於書齋溫習舊業。生與其兄綸雖朝夕共學，而思嬌之念，無時不然。夜則與兄異榻而寢，悵悵之辭，或形於夢寐，恨不能御風縮地，一與嬌會。至七月中旬，舅以眉州倅滿，道經申生之門，因留宿於生家者累日。此時舅挈家以行，始嬌寓

生家相隨不離跬步兼飛紅湘娥諸侍女雜然左右
生與嬌欲一言不可得居三日舅命戒行車馬喧闐
送者絡繹於道始與嬌各登車諸侍女相隨先後申
生亦乘馬相送闔其便曳簾挽車與嬌語舊嬌淚下
如雨不能荅徐曰遇君之後一日爲別不能堪處况
今動是三年遠近千里一旦思君之切安保其再能
見君乎但恐妾垂首瞑目骨化形銷君將眠花臥柳
弃舊憐新妾枕邊恩愛他人有之矣生曰明靈大王
在彼吾誓不爲也嬌曰若然妾荷君之恩死且不朽

乃占詩一首贈生欲語征夫促去忙臨岐分袂轉情傷不堪千里三年別恨說仙家日月長嬌於袖中又出香珮一枚上有金銷團鳳以真珠百粒約爲同心結贈生曰覩物思人可也得暇可求便一來毋以地遠爲辭言未竟軒車催動霧隱前山曉月半沉日送不及生別舅姪辭回恹然歸于書室間消永日無不泪零晨窗夕燈學業幾廢間爲詞章無不寄與嬌紅之語他不暇及一日賦一曲以示兄綸皆寄其意於言辭之外未嘗斥言也詞云春風情性奈少年棄負

竊香名譽記得當初綉窗私語便傾心素雨濕花陰
月篩簾影幾許良宵遇亂紅飛盡菴源從此迷路

因念好景難留光陰易失算行雲何處三峽詞源誰
爲我寫出斷腸詩句目極歸鴻秋娘聲價應念司空
否甚時覓箇彩鸞同跨歸去兄見之撫生背肩曰厚
卿以弟之才當取青紫如拾芥以顯二親夫何流連
光景此詞固佳察弟之心必有所主秋期在近且移
此筆鏖戰文場可也生但無言蓋生詞微寓於橋相
會之始末至亂紅飛盡之句則直指飛紅媒孽之事

思恨之極、作爲此詞、其兄不知也、及至八月與兄俱就秋試畢、卽欲言歸、兄綸謂曰、三年燈火辛勤、決以此舉揭榜在近、何不少俟、生曰、兄學業高遠、危中必矣、劣弟荒唐、僻陋孫山之外、不言可知、不欲久此、揭榜後無面目回鄉也、兄再四挽留、生不得已從之、踰數日秋闈拆號、生與綸俱在高選、兄弟聯捧捷而歸、次年又與兄綸同及第、兄綸授綿州綿山縣主簿、生以弓箭升甲、授洋州司戶、兄弟歸家侍次、時有賣燈科記於眉州者、舅因閱之、見生兄弟皆及第、因大喜、

歸謂姪曰二哥三哥兄弟皆及第、吾家宅相得人矣、
但恨相去千里不能親賀、遂遣人致書、且詢問二甥
榮授何官、如瓜期、未及能一來、欸我以慰老夫忻喜
之心、否生得書與兄、謀曰舅有命召、兄宜一行、綸曰
父母在焉可遠遊、委以家事、然舅姪所命亦不可違、
長孫克家弟固當往、於是生欣然領命、即日治行、詣
舅任所、既至舅見之、且賀且謝、須臾姪嬌畢見、且曰
別後喜審吾甥兄弟俱擢危科、與有榮華、生謙謝再
三、又問二哥何以不來、生荅兄弟不可俱出之意、舅

姝等問勞盡禮姝終以生前疑似之故館生於廳事
之東邊去堂甚遠生亦遠嫌尋常非呼召不入縱或
一至堂廡未嘗與嬌款狎或與嬌偶然相遇左右森
立但彼此佇視不能出一言生殊無聊任十餘日欲
告歸然終念遠來未曾與嬌一語悶悶不樂徘徊久
之乃作詞寓相思會以述懷脉脉惜春心無言耿思
憶夜永如年誰道藍橋咫尺緣分淺何似舊日莫相
識試問取柳千絲愁怎織菱花頻照兩鬢爲誰雪積
幾番會面見了又無信息空追前事把兩淚偷滴

看下列如何是得一日生晨起入謁。始始未起。生因忽遇嬌於堂側。時且早。左右俱未起。嬌亟出步前。語生曰。妾別兄久矣。思念之心。未嘗少息。喜審近取高第。但恨命薄。所棄不能執箕箒。以觀富貴。爲大恨耳。兄能不棄。不以地遠來臨。妾何以得此。妾與飛紅有隙。君所知也。今始以年尊多病。不暇他顧。而飛紅方用事。跬步動容。無所求其便。兄至此已十日矣。妾不能與兄一敘。疇昔者坐此故也。妾每見兄必晨昏入謁。凡七日晨起。以俟兄至。而兄每入必晚。今非兄早

至妾安能與兄一語也。生曰：我見事變如此，終日死坐孤告之態，不能備言。方欲於一二日間圖爲歸計，緣未及與子一語，故未忍去。今旣若此，我雖在此，竟何益也？子將歸矣，嬌曰：妾以今日之故，屈事飛紅，尚未得其歡心，自今以往，當愈屈意事之，萬一得回其意，則可與兄復如前日。兄果能少畱月餘否？因出袖中黃金二十兩與生。生曰：恐兄到此，或有用度，衣服有不堪者，宜令左右以工直持來，當與兄修治也。生乃曰：若果有可謀，雖僻處鬼室，千日亦何害？頃之入齋。

衆生遂出、愈無聊賴、時遶戶吟咏、以寫懷抱、有二詩
云、庭院深深、宋不譁、午風吹夢到天涯、出牆新竹呈
霜節、匝地垂楊裊雪花、覓句閑來消永日、道愁聊復
酌流霞、狂風全不知人意、早向窗前報晚衙、簾展
湘紋浪欲生、幽人自感夢難成、倚床剩覺添風味、開
戶何妨待月明、擬倩蛙聲傳密意、難將螢火照離情、
遙憐織女佳期近、時看銀河幾曲橫、生在舅家自秋
及冬、歲將暮矣、慕戀之心終無以自遣、每以明燭倚
牀獨坐、夜半方就枕、所居室東邊有修竹數竿、竹外

有亭前任州官有子婦美而少因得暴疾遂至不起
殯于亭中經歲後移歸鄉里然精誠常在亭中每爲
妖祟以迷少年生不知其詳一夕方掩關而坐將及
二更許忽聞窗外步履聲生意其兵吏夜起不以爲
怪頃之叩窗甚急生出視則見嬌娘獨立窗下曰君
何不寢候君久矣生不知妖欣然與之入室曰子何
以得此來答曰舅姑熟寢無有知者故來相就將旦
告去囑生曰此後妾必夜至兄無幹不必至中堂或
入偶相遇不必以言相問恐人有所覺也妾或與君

語幸無見答以狎斜之言。妾必有爲君宜引去。不對。則人將謂君無心於妾。庶可釋疑也。生曰。子若夜必一至吾室。吾入何幹。言訖遂去。自後妖夜必至。凡月餘人莫知之。生常經數日。方一入中堂。左右問之。以它事對。或遇嬌則遠望引避。常獨吟一詞。寓于飛鵲。以自喜。曰。天賦多情嬌蕙。蘭心性風標。憐才不減文蘭。怕芸窗花館。虛度良宵。密相斟酌。就長待燭暗香消。向人前載述。休把言語輕挑。問誰知。証惟有明月相邀。從今管取爲雲雨。暮暮朝朝。嬌自生。再至益屈已。以

事飛紅平日玩好珍奇之物紅一開口則舉而贈之
錦繡綾羅金銀珠翠惟紅所欲人皆呼之爲紅娘子
紅見嬌之待已厚也漸釋舊憾與嬌稔密嬌結之愈
至時小慧年已長見嬌屈意事於紅語嬌曰娘子通
判之女貴人也飛紅通判之妾賤者也奈何以貴事
賤此小慧日久所不能平者嬌因嘆曰我之遇由生
爾所知也紅與我有隙屢窘撓我今生遠來已久我
不能與之一敘閒闊者蓋阻於此耳苟不屈已以結
紅之心或者與生胥會能保其無語乎我不自愛而

屈事之者爲生設也因吟詩一絕云雨勒春寒花信
遲知雲碍月夜光微披雲閣雨憑誰力花月開圓且
待時吟畢因泣下慧曰娘子芳年秀麗稟性聰明立
身鄭重向時遊玩花園與湘娥並行娥不相讓先登
樓梯娘子怒以告夫人夫人不治凡不食者兩日其
負氣有如此者前年罷官西歸驛舍床帳不備重以
綉茵周以羅幃猶思其不潔焚沉麝夜半方寢其
愛身有如此者娘子善歌衆所共知親族聚會申請
不明再四終不肯出一聲其重言有如此者今旣委

千金之身於申生。若弃敝屣。而又下事飛紅。東。盡。名。節。此妾之所大不曉者。況娘子詩詞清麗。文章華瞻。名聞於時久矣。當今少年才子。咸願一見而不可得。苟求婚姻。豈不能得一申生也。又兼申生一第之後。視娘子頗似無情。今雖在此。呼之而不來。問之而不對。諒必有他意也。娘子何自苦執如此。嬌曰。爾勿言。天下豈復有鍾情如申生者乎。以生之才美。必不負我。必得生而後已。慧知嬌眷戀申生之心如鐵石。乃亦諂事飛紅。紅後感嬌之結已備至。盡釋前憾。睚眦。

謂嬌曰娘子近日以來憔悴特甚若重有所思者何不與紅一言紅受娘子之恩厚矣苟有効力當以死報嬌但流涕不言紅乃叩之曰我之遇申生爾所知也它何言紅曰此易事姒年尊終日於小樓看經堂室之事娘子主之果有所圖敢不唯命嬌鄭重謝之自此紅常與嬌爲他求以見生然生每夜遇妖之後以爲真嬌之來累十餘日不入中堂精神昏倦終日思睡嬌眷戀之極情不能已時作詩以記之凡九首情緣心曲兩難忘夢隔巫山蝶思荒春事懶隨花片

卷八
賦
字

薄愁懷。偏勝柳絲長。金鬆瘦。削腸堪斷。珠淚珊珊。意
倍傷人。自蕭條春自好。少年空爾惜流芳。其二曰曉
窗睡起。翠娥顰。天際晴霞曙色。新錦字。謾題機上恨。
黃鸝爲喚。封頭春。每憐芳艸愁花悴。偏覺幽魂入夢
頻。翠袖未殘空滌淚。閨闌宋宋。暗傷神。其三曰一點
芳心。冷似灰。蘭闌宋靜。鎖塵埃。幾時閨思多慳澀。昨
夜燈花又浪開。夢裏佳期成慘淡。想中顏色苦疑猜。
芙蓉帳小。雲屏暗。一段春愁帶雨來。其四曰春山癡
恨攢愁思。不慰閑情。只自知。寥落肯容成獨夢。淒涼

偏是蹙雙眉。那知淺淡輕顰。態不記春心似醉時對
面相看。只如此。知他欲負此生期。其五曰。斗帳春寒
歎未寒。羅衣那得血痕消。無因得贖陽臺路。有信無
情恰是空佳況。每從愁裡減。夢魂疑是夢中。招晚成
獨與堪憫。恨珠淚汪汪。暗處飄其六曰。曉起西窗一
半開。輕移蓮步下芳階。流鶯有恨空啼樹。塵榻無情
自鎖埃。薄倖動成經歲別。光陰枉負少年懷。每期對
榻人長負。輸了愁眉淚滿腮。其七曰。咫尺天涯一望
間。重簾十二擁朱闌。斷腸芳艸連天碧。作惡東風特

留餘山尚

地寒籠裏飛禽堪再復。盆中覆水恐難收。落花舞絮
春如水。下却珠簾不忍看。其八曰。屈指光陰又隔春。
朱顏枉負一生身。情牽相喚鶯聲細。腸斷無端草色
新。露帳銀床初破睡。舞衫歌扇總生塵。幾回惆悵空
悲歎。抵爲無情薄倖人。其九曰。瘦盡紅芳綠正肥。枕
中春夢不多時。好將此日思前日。莫遣佳期負後期。
鎮日閒愁魂去遠。殘春孤恨夢生遲。憑誰寄與多情
道。憔悴闌干怨落暉。嬌娘吟畢。付與紅觀曰。我別申
生。動經一載之餘。今咫尺天涯。對面如此。我何以堪。

言已忽仆於地紅扶之而起良久方甦紅見嬌失意
懼姁有疑乃誑姁曰嬌娘子多苦寒疾姁信之故嬌
雖憔悴不疑也紅一夕至嬌所嬌方掩泪獨坐殊不
勝情紅因曰娘子如此而申生如彼此豈有人心者
妾近見申生屢以實情告之往往不顧且其神思昏
迷汎彼所居之地名媚艷女甚多想少年不能自持
他有所驅宜乎寡情於娘子何自苦乃爾試一索之
便可知生之所爲矣嬌見生之相棄甚也因紅語亦
疑之至晚遂令小慧及紅房下小侍女蘭蘭夜出何

生起處、慧與蘭蘭同至生室前、見窗內燈明、慧因穴窗細視、見生與一女子對坐、顏色態度、與嬌娘無異、因私相嘆駭、歸室則見嬌與紅並坐於室、慧曰、娘子適至生室乎、嬌曰、我與飛紅同遣爾去、我二人坐此未嘗動、爾安得妄言、慧蘭同聲曰、適來申生與一女子相對而坐、絕似娘子、若此則彼爲何人也、嬌紅大駭、良久紅曰、舊聞此地多有鬼魅、諒必此類惑之、宜其待娘子恚然也、因欲與慧蘭等再出視之、時夜深門守甚嚴、不復可出、遂止、明晨嬌詐以姙命召生入

室不過再四召之方來小慧前導至後室見嬌獨坐
生傍徨欲去嬌卽前挽生袖曰君且勿去將有事語
君生不得已乃坐嬌曰君近日何相索妾之待兄亦
至矣一旦若是豈平昔所望於兄者生不答嬌又曰
兄每夕所遇者何人生曰無之嬌曰不必隱諱生謂
詐已乃左右顧盼切切曰予令我勿言何窘我也嬌
曰妾有何事令君勿言生大駭因曰左右有人乎嬌
曰無之嬌又曰妾自別君之後迄今將兩歲矣兄此
來妾亦何便得與君款密何嘗囑君勿言生曰予何

反覆也。子自前月以來每夜必至我室，囑我勿言，懼飛紅之輩生釁也。子今乃有是說，何故？嬌曰：妾室未嘗一出，君之室所居窮僻，久聞其中多怪諒，必鬼物化妾之形以惑君。妾自屈事飛紅之後，已得其歡心。日夕使人招兄，兄不至，縱一來與兄談話，兄又不答。日夕不知所謂，將謂兄有異心。夜來使小慧蘭蘭伺兄起處，乃見一女子形狀如妾，與兄對坐，此非鬼祟而何？故今日召兄實之耳。君不信，則召紅證之。乃潛使人呼紅，紅至，謂生曰：「郎君何弄娘子也？因具道昨

夕之事生駭然汗下浹背、罔知所出、乃謝曰、非子春
春不忘則我將死于鬼祟手矣、弟恨兩月以來負子
恩愛之情、其何以爲報、因大恐不敢出息、其室至暮
猶在中堂、紅乃與嬌謀止、以生爲鬼所惑、告姪姪疑
之曰、安有是理、紅欲實其言、至一更許、令生且出室、
生懼不敢往、紅曰、弟往彼妾將有爲也、因戒生曰、今
夜二鼓、妾與姪來觀、如彼來、妾與姪遠望、恐見其類、
嬌則生疑矣、如索君、君亦勿言、似娘子也、生勉強許
之、至二更初、鬼果來、生雖與之對坐、心驚股栗、未定

間紅姸已至窗前、果見一婦人、姸欲細視、紅思其事、發露、因大撫窗趨入、鬼果不見、生初聞嬌之言、且信且疑、及紅撫窗、鬼遁滅跡、生方大悟、姸因詢生曰、適爲何人、生愧謝曰、不知其鬼也、願姸救我、於是姸與紅謀、移生入中堂、舅知之、廣求明師符水以與生、飲生後臥病累日、亦尋向安、自爾生起居皆在宅內、嬌亦不以向日相弃介意、歡愛如平日、或至生室連夕、姸亦不知也、生追思鬼惑之事、深得嬌紅之救、已乃作望江南詞以謝之、詞云、從前事、今日始知空冷落、

巫山十二峯、朝雲暮雨竟無蹤、一覺大槐宮、花月地、
天意巧爲容、不比尋常三五夜、清輝香影隔簾櫳、春
在画堂中、又兩月餘、始以病歿、嬌哀毀殊甚、幾不堪
處、生見舅家事紛紜、來問告歸、嬌因謂生曰、昔日之
別、不謂復有今日、幸欣再會、奈何罹此禍變、哀毀之
中、不暇與兄款曲、暫歸、宜再來也、因長吁曰、數年之
間、送兄者屢矣、知相別後、能念妾勤心否乎、生無言、
但掩淚爲別、明日辭舅歸、至家中、父母聞始之亡、皆
驚動嗟泣、明年六月、舅任滿回、再過生門、迎宿留住

數日自始之、死飛紅專寵於舅、因宛轉爲嬌謀、因與舅曰、夫人不幸先逝、善父年少、家事無人主持、何不拉三哥同歸經理、且其瓜期未及也、舅欣然之、欲拉生去、生父不欲、生聞之心切意喜、因乘間囑紅俾舅再三拉之、舅如言、力與生父言之、父不得已、乃令生行、遂同到舅家住兩月、舅卽爲再調任計、謂生曰、家中事緒繁多、小兒幼失所恃、三哥不妨在此相與維持、俟有美赴之期、當竭力助行、生諾之、舅遂行、生厚賂舅之左右、莫不歡悅、生因與嬌絕無間隔、院宇淨

沉簾幙掩映玉枕相挨鶯鳳並翼或時朱闌共倚舉
盞飛觴嬉笑嘔吟曲盡人間之樂踰半載舅以舉員
未足再調利州倅以歸左右得生之賂加以事大體
重無敢言及之者唯於舅前爲生延譽舅歸之後見
生經理其家事事有倫知生之才能幹有餘又妙年
高第前程未可量遂悔向日背親之謀間使紅委曲
問生一夕生方與嬌閑坐紅趨至拜賀曰郎君娘子
平昔之願諧矣敢不賀嬌詢之紅曰舅又有結好之
意使妾審訂郎君懼郎君之不從也嬌曰天果不違

人耶因大喜明燈達旦忘寐生賦內家嬌詞以相慶
云燈花何大喜多情事天意想從人念子秀蘭房才
高柳絮我登仕版世忝簪紳堪誇處一雙兩好彼此
正青春夙世因緣今生契合昔時秦晉重締姻親殷
勤謝紅葉傳來佳耗意密情真記東池畔要誓神明
料得從今臨風對月消除舊恨慘雨愁雲管取團圓
到底不負深盟是夕紅反命於舅曰生意無不可也
遂立媒遣之生家生父母亦允許且曰此固所愿也
擇日遣聘丁憐憐者自生別後久之入帥府至西

書院所畫美人猶在壁上帥子坐其旁憐憐仰視久之帥子問曰天下果有如此婦人乎憐曰有之固指嬌像曰聞此於已入畫者未能模寫其一二足極小眉極修詞草翰墨無能出其右以此女實之想其他皆然帥子喜曰我將求婚此女憐曰無用也聞此女久有外遇恐非全身帥子曰得婦如此幸已甚矣此不足問憐悔失言力解不獲帥子遂令親信懇告其父求婚於王王時倅眉州未回故無言及此者逮王再調歸家待次之日帥遂遣來求婚王初拒之再四

帥逼以威勢、賂以貨財、不得已遂許之、嬌夜持帥書
至生室、告曰、前日姻約復敗矣、帥子求婚、家君迫於
權要許之矣、兄何以爲計、生曰、事在他日、當徐圖之
嬌自是見生愈密、然一相遇、則慘慘不樂、平生善歌
每作哀怨之音、則聞者動容、或至流涕、雖與生至相
得、未嘗對生一歌、生或潛聽、嬌覺之、則又中輟、生每
以爲嫌、至是生不請、自歌詞一叢花云、世間萬事轉
頭空、何物似情濃、新歡共把愁眉展、怎知道、新恨重
逢、媒妁無憑、佳期又悞、何處問流紅、欲歌先咽、意猶

冲從此各西東、愁怕到黃昏、窗兒外、疎雨泣梧桐、仔
細思量、不如桃李、猶解嫁東風、歌未終、黯黯然淚下
如雨、生平嗜好、有不能致者、嬌廣用金玉、售以遺
生、一夕家宴罷、至就寢、生被酒、未能臥、嬌秉燭侍側、
生從容問曰、爾來眷我、何益厚也、嬌曰、始者妾謂可
托終身、於君今既不如所願、事兄蓋有日矣、雖盡此
身、何足以謝生、大感慟、居數日、嬌忽臥病、不得與生
會者、僅二月、一日舅出謁、生厚賂左右、欲一見嬌、左
右扶嬌至生室之側、生迎與相見、嗚咽不已、良久嬌

乃曰樂極生悲俗語不誣妾病不能扶持生願不諧死亦從兄在所不恤也語竟倚生之懷似無所主左右驚扶而入久之方醒生亦自此悶悶作事顛倒語言無實目前所爲旋踵而忘舅甚怪之秋八月帥子納幣促親期舅許之嬌病少瘳因他事怒小鬟終英綠英懷恨乘間以嬌平日所爲之事從實告舅舅怒審實於紅將治之紅詒曰小娘子讀書知禮義豈不知失身之爲大辱且重厚少言愛身若珠玉擇地而行待時而動相公所知也況中生功名到手舉動不

妾堂廡之間、不命之入、不敢入、未嘗與嬌一語戲狎、
倘有是事、妾豈不知也、或者小人之言、未宜深信、且
親期在近、不宜自爲此不美也、舅方寵任飛紅、信其
言、不復再問、止加防閑、申生度勢、不可留、乃告嬌曰、
今日之事、舅知之矣、行計不可緩也、子親期去此、比
兩月、勉事新君、吾與子從此決矣、因以詞一首寓好
事、近與嬌爲別、詞云、一自識伊來、便許綰同心結、天
意竟辜人願、成幾番虛設、佳期近也、想新歡遣我空
懸絕、莫忘花陰深處、與西窗明月、嬌覽詞、怒曰、兄、大

夫也堂堂六尺之軀乃不能謀一婦人事已至此更委之他人君其忍乎妾身不可再辱旣以與君則君之身也因掩面大慟生方悟去留未決俄得家書報父有疾遣僕馬促回生使人候嬌不得已入謁舅告別舅時坐中堂嬌聞之出立舅後回目佇視不能出半語舅曰子歸後府君無恙宜再來嬌娘親禮在卽家事紛紜無執幹者生辭曰令愛親期以近純歸侍亦須累月又瓜期將近動是數年重會未可知也舅宜善自愛生因再拜舅曰嬌娘在近出室子來朝未

定未必相會。因呼出別生。嬌聞語灑淚不能止。懼舅見之不敢前。背面遁去。再四呼之不至。生遂別舅而歸。嬌自生去。日夜悲泣。未嘗覽鏡。芳容頓改。幽豔暗消。楊柳迷烟。梨花帶雨。或見梁燕雙飛。征鴻獨叫。則悽慘不自勝也。近半月病愈甚。將不能起。紅乃潛書促生來。使與爲決。生得書以無故不敢告父母。乃夜遁。潛至嬌之門。住兩日。舅亦不知也。生時艤舟岸下。冀一見嬌。後卽歸。蓋慮父母之知。必獲重責。明日舅送舊守出於郊外。時紅乃與嬌私出。卽上生舟。嬌執

生手、大慟曰、卽不來矣、恨無以報兄、不幸迫於父母之命、不能終身以相從、兄今青雲萬里、厚擇佳配、共享榮貴、妾不敢望也、妾向時與兄擁爐、謂事不濟、當以死謝妾、敢背此言邪、兄氣質孱薄、常多病、善攝養、毋以妾爲念、因出斷袖還生曰、謝兄厚恩、復思此景、其可再得乎、哭愈慟、紅亦淚下、久之、紅懼有他變、詐語嬌曰、舅將至矣、宜速登岸、嬌含汨口、占一詞以贈生云、郎今去也、撇奴去、恨共離舟、留不住、扶病別、江頭沾襟淚如雨、路遠終須別、一寸腸、千結、此會再難

逢相逢只夢中、又吟一絕爲別云、合歡帶上、真珠結、
箇箇團圓、又無缺、當時把向掌中看、豈意今爲千古、
別生得嬌詩詞、揖別歸舟而去、紅扶嬌登岸、但見舟、
人撥棹、蘋浪翻、風彩鷁、急飛征鴻、易斷目力、有盡江、
山、無窮、生歸枕席上、無不流涕、嬌之佳期已遍、乃托、
感疾、佯狂、蓬頭垢面、以求退親、父迫之、嬌引刀自截、
左右救之、得不殞、因絕食數日、不能起、紅委曲開諭、
之曰、娘子平生俊快、豈不諳曉世事、帥家富貴極矣、
子弟端方俊拔、殆過申生、娘子不自開懷、保身自重、

何苦如是耶、且問媒者之言、彼之欲得娘子、甚如飢渴、其他皆所不問、娘子何自弃也、況申生歸後、亦已議親貴族、彼蓋亦絕念於此矣、因圖帥子之貌、以獻曰、得婿如是、亦無負矣、嬌曰、美則美耳、非我所及、事止此矣、吾志不易也、紅又詐爲嬌舊遺生香珮、下結以破環、隻釵、謂生遺遺嬌、因言已結他姻之意、以相絕、嬌見之、泣下曰、相從數年、申生之心事、我豈不知者、彼聞我有他故、特爲此以開釋我耳、因取香珮、細認、覺其虛、因曰、我固知申生不如是也、我始以不正

遇申生終又背而之他則我之淫蕩甚矣既不克其
始又不有其終人謂我何紅娘于愛我厚矣幸勿多
言我固不愛一身以謝申生也遂不復言男聞而亦
憐之但曰業已成矣無可奈何遣紅輩百端爲之開
釋終莫能悟嬌遂吟詩二首寄與申生別云如此鍾
情古所稀吁嗟好事到頭非汪汪兩眼西風淚猶向
陽臺作雨飛月有陰晴與圓缺人有悲歡與會別擁
爐細語鬼神知拚把紅顏爲君絕間隔數日嬌竟以
憂卒生接寄來詩章方曉而嬌之計音隨至生茫然

自失對景傷懷。獨坐則以手書空咄咄。若與人語。因
賦憶瑤姬詞。以弔嬌娘。詞曰。蜀下相逢。千金麗質。憐
才便肯分付。自念潘安容貌。無此奇遇。梨花擲處。還
驚起。因共我擁爐低語。今生拚兩兩同心。不怕旁人
間阻。此事憑誰處。對明神爲誓。死也相許。徒思行雲
信斷。聽簫歸去。月明誰伴孤鸞舞。細思之。淚流如雨。
便因喪命。甘從地下。和伊一處。生兄綸見此詞尾句。
知其語不祥。因再三慰解。追慕無已。殆不能堪。又於
壁下題詩一絕。以別父母。詩曰。寶翁德邵如椿古。蔡

母年高與鶴齊、生育恩深俱未報、此身先死奈虞兮、
又爲詩一首以別兄、詩曰、當年風雅謁雙鸞、擬共翺
翔萬里天、今日雁行分散去、誰憐隻影叫蒼烟、生題
詩畢、索嬌所自贈香羅帕、自縊於書窗間、爲家人所
覺、救免、兄綸與生之素識、皆來勸解之、且曰、大丈夫
志在四方、弟年少科高、青雲足下、而甘死、兒女子手
中耶、況天下多美婦人、何必如是、生變色氣逆、不能
卽對、徐曰、佳人難再得、因回顧二親叮嚀曰、二哥才
學俱優妙、年取功名、且及瓜期、前程萬里、顯親揚名、

大吾門戶、承繼宗祧、一夔足矣、惟大人割不忍之恩、
又顧兄綸曰、雙親年高侍養、純不孝不能耐、固極之、
思惟兄念之、自是神思昏迷、不思飲食、日漸羸、竟
奄奄不起、父母大慟、卽日馳書告舅舅、舅得書、飛紅輩
知之、舉家號泣、舅因呼紅痛責之曰、往時問汝、汝何
不實告我、稔成事變、以至於此、皆汝之咎、紅不能對、
因伏地請罪、久之、舅意稍解、乃曰、事已如此、不可及
矣、兩違親議、亦老夫之罪也、因痛自悔、又謂紅曰、申
生丰儀如許、才學又如許、正昔人所謂我見汝猶憐、

况老奴乎生前之願旣已違之矣與死後之姻緣可也紅曰然則如之何舅沉吟半晌曰我今復書舉嬌柩以歸于中家得合葬焉沒者而有知其不快快於泉下也必矣紅曰然于是復書以此言告于生之父母許焉越月得吉日戒嚴遂舁嬌柩以歸生家舅書自悔責且謝兩背姻盟之非仍遣紅來弔慰營辦喪事又月餘詢謀僉同乃合葬於濯錦江邊葬畢紅告歸抵舍之明日因與小慧過嬌寢所恍惚見嬌與生在室相對笑語嬌謂紅曰喪事謝汝遠來營辦吾二

人死無憾矣、我自去世、卽歸仙道、見住碧瑤之宮、相
距蓬萊、不遠咫尺、朝歡暮宴、天上之樂、不減人間、所
愿足矣、惟是親恩未報、弟年尚幼、一家之事、賴汝支
吾、善事家君、無以我爲念、明年寒食、祭掃新墳、汝能
爲我一來、彼時又得相會也、語未終、紅且驚且喜、倉
皇告舅、舅復與往寢所物色之、則無所有矣、惟見壁
間之詞一闕云、蓮閨愛絕、長向碧瑤深處歇、華表來
歸、風物依然人事非、月光如水、偏照鴛鴦新塚裡、
黃鶴催班、此去何時得再還、舅見此詞、不覺哀悼、所

畱字跡半濃半淡尋亦滅去舅與紅輩皆驚異嗟嘆
而已越明年清明日追思紅見嬌之事呼僕命騎往
詣墳所灑酒奠位之際唯見雙鴛鴦飛翔上下捕之
不得逐之不去祭奠之畢倏然不見後人故名爲鴛
鴦塚云